



Page: 1

Reach: 50000

Country: BOSNIA AND HERZEGOVINA

Size: 835 cm2

1 / 2

Uhapšeno 6 osoba zbog organiziranog kriminala KORISTILI POPLAVE DA UTAJE POREZ

Privedeni direktor 'Sector Securityja' Dragan Talić te Miloš Milutinović, Zeljko Đekić, Domagoj Marić i Brankica Martić • Uhapšen i inspektor UIO BiH Ivan Petonjić

Policijski službenici Državne agencije za istrage i zaštitu (SIPA) jučer su, po nalogu Tužilaštva BiH, uhapsili šest osoba u akciji kodnog naziva „Sailor“, koja je izvedena na području Banje Luke i Mostara.

Uhapšeni se sumnjiče da su počinili krivično djelo organiziranog kriminala u vezi s krivičnim djelima porezne utaje ili prevare, carinske prevare, protivzakonitog posredovanja i zloupotrebe položaja ili ovlaštenja. **2. strana**




Page: 1

Reach: 50000

Country: BOSNIA AND HERZEGOVINA

Size: 835 cm2

2 / 2



Akcija SIPA-e provedena na području Banje Luke i Mostara

AKCIJA SAILOR

SIPA uhapsila šest osoba zbog organiziranog kriminala

Koristili poplave da utaje porez

Među uhapšenima i generalni direktor „Sector Securityja“ Dragan Talić te Miloš Milutinović, Željko Đekić i Domagoj Marić • Priveden i inspektor UIO BiH Ivan Petonjić

Policijski službenici Državne agencije za istrage i zaštitu (SIPA) jučer su, po nalogu Tužilaštva BiH, uhapsili šest osoba u akciji kodnog naziva „Sailor“, koja je izvedena na području Banje Luke i Mostara.

Lažna dokumentacija

Uhapšeni se sumnjiče da su počinili krivično djelo organiziranog kriminala u vezi s krivičnim djelima porezne utaje ili prevare, carinske prevare, protivzakonitog posredovanja i zloupotr-

ebe položaja ili ovlaštenja. Iz izvora bliskih istrazi saznajemo da je uhapšeni

1,5
miliona KM utajili poreza

4
miliona KM iznosila vrijednost robe

6
osoba ukupno uhapšeno

Dragan Talić, generalni direktor „Sector Securityja“ iz Banje Luke. Osim njega, SIPA je uhapsila i Miloša Milutinovića i Željka Đekića iz Banje Luke, Domagoja Marića iz Mostara te Brankicu Martić. Priveden je i Ivan Petonjić, inspektor Uprave za indirektno oporezivanje (UIO) BiH.

Ove osobe sumnjiče se da su kao pripadnici organizirane kriminalne grupe, iskorištivši stanje prirodne nesreće u BiH, vršili malverzacije prilikom sačinjavanja lista o oštećenju robe u pojedinim firmama, i to tako što su falsificirali i sačinjavali lažnu dokumentaciju kako bi prikazali veću štetu nego što jeste ra-



TALIĆ:
Godinama na čelu firme „Sector Security“

di izbjegavanja plaćanja PDV-a.

Na taj način budžet BiH oštećen je za 1,5 miliona KM.

- Tužilaštvo BiH, provodeći istragu u predmetu organiziranog kriminala, došlo je do saznanja da su vlasnici tvrtke „Bauwelt“ izmjestili veliku kot-

ličinu robe namijenjene prodaji te sačinili lažnu dokumentaciju da je roba uništena u skladištima usljed katastrofalnih poplava, koje su prije dva mjeseca zahvatile BiH - saopćeno je iz ove institucije.

Unovčili robu

Roba u vrijednosti većoj od četiri miliona KM tajno je izmještena na druge lokacije, kako bi bila prodana i

unovčena, a sve uz pomoć službenika UIO.

Istragom je utvrđeno da su osumnjičeni namjeravali zatvoriti poslovne objekte i da su kao organizirana kriminalna grupa pokušali iskoristiti prirodne katastrofe radi počinjenja kaznenih djela i

Pripadnici SIPA-e osumnjičene su uhapsili dok su gledali utakmicu Svjetskog prvenstva u Brazilu između Holandije i Meksika. O tome svjedoče videosnimci koje je napravila SIPA.

oštećenja budžeta BiH. Iz UIO BiH su naveli da su malverzacije uhapšenih otkrivene pomoću obrasca D-PDV. **M. AŠČIĆ**

Rigorozne kazne

- Tužilaštvo BiH odlučno je u procesuiranju organiziranog kriminala i korupcije, a nakon katastrofalnih poplava koje su zadesile BiH. Tužilaštvo će procesuirati sve osobe koje se pokušaju oko-

ristiti nastalom situacijom radi počinjenja kaznenih djela ili ostvarivanja nezakonite imovinske koristi. Počinitelji će biti otkriveni i rigorozno kažnjeni - saopćeno je iz Tužilaštva BiH.